

113 年全國語文競賽原住民族語朗讀 【汶水泰雅語】 國小學生組 編號 1 號

xuwil mu

kiya qutux ku' xuwil cku' imuwaag mu. magalpu cu' kaal ku' Ahu ka hani. kiya qutux xuwil sumibih 'i' hiya'. ralu' niya' ga Hale. laxi tali' maha' ini humaynas cu' qutux kaal na. asikina ga rahuwal cu' usaying ku' cinaxan nku' Hale 'i' Ahu! tiku sikaal ti' sawni ga yani nanaq 'i' Ahu.

xuwil na' Taiwan 'i' Ahu. asiga tatapih ku' usaying ka cangiya' niya gi payux cku' hihhi' niya' ku' isiting ru ighil ka kinuring. usaying ku' rahuwal na' rawiq ru magalawa' ka abag na' tunux. asi cubalay a' magalawa' ka kinbalaiq na' batunux. tikay ru matimurul ru magalawa' ku' nguhu niya'. hawti' 'i' umaboh. rahuwal ku' ngaquwaq niya'. sasawbih niya' kumtu' ku' cangiya' na' Hale. magalawa' kahabag cku' hihhi' ku' kinuring nku' Ahu ka hani. asikina ga kiya ku' ukas a' kinuring. talan ku' magalawa' ka quwahil. tikay ru isiting ru magiyuhibong ku' ngangu' niya'. talan niya' ku' balaiq niya' ka cuquliq ga papawian niya' ku' ngangu' niya'.

maniq cami ga, naqarun 'i' maniq nku' Ahu ku' sibi mu ka nananiqu la ga, talan niya' ku' pinsibi mu cku' Hale ka nananiqu ga rarima' 'i' musa' 'i' umingat. yani ukas ku' nananiqu na' Hale la. asi mu sipaquway ku' nananiqu ru sibi mu lawwi 'i' Hale. ukas tikay a' hanang ga

pakakiya cku' ik na' raralan 'i' pasibayhuwan. pakakiya uwi cku' latanux puwagi' 'i' Ahu. mararapa' 'i' kumamil cku' rawq. maqilaap 'i' hiya' ga rahuwal cubalay ku' suminghug ka hanang niya'. asi aqih ku' kisiliq mu.

lungulungun mu ku' qutux cu' riox ka pinayma mu 'i' Ahu cku' latanux. asi ga tapangan na' tatapang ku' kinuring niya'. yugun mu ku' qusiya' ru asi matagik cku' imuwaag 'i' Ahu. yani mu na' yugun ku' qusiya' ga rarima' ukas 'i' Ahu la. rararima' kuwing matagik na' imuwaag 'i' rumkap 'i' Ahu ru pinmaan mu lawwi cku' bintang. talan mu ki' suway mu na' kanayril ru asi cami pasiya'.

magabog 'i' musa' 'i' matawwaw cku' ragiyax 'i' yutas ki' yaba' mu ga, maka'ibu' ru makasawbih cku' kukuy na' yaba' ru rarima' 'i' mastatayl cku' kulu' na' yaba', siwiwi' niya' ku' ngangu' niya' ru ini huwaw 'i' matahunak cku' kulu' na' yaba'. asiga malahang cku' kulu'. 'i' matukari' ru ini silnga' cku' kulu' na' yaba' 'i' Ahu ga, naqru' 'i' matawwaw ru makasabih cku' balihun 'i' numaga' cu' yutas ki' yaba' . 'i' talana niya' 'i' yutas ga pakararima' 'i' matagil ru mataganan ku' hihhi' niya' 'i' musa' 'i' masacka' ku' kuru' na' yaba'. yani ku' baliq niyam 'i' hiya'.

## 我的狗

Ahu 已經十歲，還有一個陪伴的狗叫 Hale，Hale 年齡只有幾個月，但是，體型有 Ahu 的二倍大！不過，今天主要講的是 Ahu。

Ahu 是土狗。耳朵像兩把長滿毛、短又窄的扇子；一對大眼睛像黑寶石；小鼻子圓圓、黑黑的，摸起來滑滑的；一張嘴巴大大的，有次，還差點咬掉了 Hale 的耳朵。

Ahu 全身黑毛，有幾個掉毛的地方，露出了黑色皮膚，尾巴短短、黃黃，看見喜歡的人搖晃得厲害。

吃飯時，Ahu 吃完牠的食物，看見我扔給 Hale 東西吃，Ahu 馬上過去搶得 Hale 沒有吃，我只好用筷子再扔給 Hale 吃。一般沒有聲音的情況下，Ahu 會在桌下乘涼，也會在院子曬太陽、打滾抓癢。睡覺時，Ahu 會打呼嚕，弄得我心煩意亂。

有次，在院子給 Ahu 洗澡，毛還濕濕黏黏，趁換水，就進屋。我連忙跑進屋子，把 Ahu 抓進澡盆洗澡。我和妹妹看了哈哈大笑。

爺爺和爸爸一早上山工作，Ahu 撒嬌的貼上爸爸，跳上爸爸的車，搖尾、安靜的坐著，彷彿是車上的衛兵。如果出去溜搭，沒跟上爸爸的車，只要爺爺和爸爸工作回來，Ahu 一定會搖晃身軀迎接他們，這樣的狗怎不令人喜歡？